

四庫全書

經部

# 欽定四庫全書

經部  
苑洛志樂卷十

詳校官閣學士管理樂部臣鄒英孝

侍讀臣孫球覆勘

總校官知縣臣楊懋珩

校對官中書臣張虎拜

謄錄監生臣陳箴

繪圖監生臣陳曦

欽定四庫全書

苑洛志樂卷十


明 韓邦奇 撰

竹

樂考陳氏樂書曰竹之為物其節直而有制其心虛而能通而利制之音所由出也其卦則震其方則東其時則春其聲尚議其律姑洗其風明庶其音濫春分之氣也先王作樂竅之以為簫管之屬焉



律呂七音管



加倍黃鐘  
一尺八寸

此虞廷簫管也十二管具八十四聲後世不究管為  
竹器之總名以為別有十二管

吹管之法閉五孔開第一孔則宮音出焉今謂之合  
是矣閉四孔開第二孔則商音出焉今謂之四是矣  
閉三開三則角音出焉今謂之一是矣閉三開四則  
徵音出焉今謂之五是矣閉上一開下五則羽音出  
焉今謂之六是矣閉下五孔獨開上一孔則變宮之  
音出焉今謂之六是矣前孔皆閉放後一孔變徵之

音出焉今謂之上是矣


管之七孔惟變徵一孔在後蓋變徵稍下於徵位無多不可一並為孔故置之後既不失變徵之位又無礙於徵若變宮則彼自有其地也

書稱下管鼗鼓詩稱嘒嘒管聲古今言樂皆稱登歌下管夫竹音莫重於簫乃獨言管而不及簫者則管蓋竹音之總稱後儒乃別列管十二或未深考也周禮曰吹簫簫篴篳篥管字總承上四者言也






古今所傳簫宋太常中和簫亦然



古人之制二十四管皆如黃鐘倍長其二十四聲之  
長短則以蠟其下空其上如十二正聲十二清聲之  
長短必如時制截其下為簡便但恐聲音或不協耳  
為圖於後




樂器惟韶簫乃十二律之本形舜所製者長短並列  
有似鳳翼故曰鳳簫每一管具七聲十四管則八十  
四聲六十調已備十二清聲暗十二中聲之內十二  
人各執一管以長短為序並立各奏一均如黃鐘至  
蕤賓并歸宮八聲一均自備於黃鐘之管餘律皆然  
漢儒不知乃聯之一處後世求其聲而不得乃為二  
十四管一管止具一聲如此則吹者奏一管即復就  
三管音亦不接樂器中獨此最清雅含蓄其底有孔

他皆不錄若兼音者則一管即具十二律八十四聲  
此蓋後世止以一管兼百回而用以為簡便非雅樂  
也若兼音止一管便可盡六十調樂器惟簫備十二  
管故舜以簫韶名樂簫與笙最相合今西湖有笙簫  
子弟並奏如出一聲




今太常十二管排簫




此十二律加四清聲  
之管也而其用惟黃  
鐘太簇姑洗仲呂林  
鐘南呂清黃鐘十一  
管其餘皆不用故協  
者只用合四一上尺  
工六七字為母雖有  
五謂太簇勾謂蕤賓  
凡謂應鍾者然皆少  
用矣

二十四管排簫






# 十二管排簫



用畢則如此安頓


簫



世本曰舜所造其形參差象鳳翼郭璞云尺四寸者  
二十四管無底而善應故謂之箏尺二寸者十二管  
有底而交鳴故謂之箏蓋應十二律正倍之聲也




韶  
簫



樂考云舜作十管韶簫長尺有二寸其形參差象鳳翼所以應古之數聲之所由生也風俗通之論疑有所本矣或以三尺言之

簫堂上堂下皆設衆樂之祖也故別言之

遂即橫笛



漢部用雅笛七竅唐制尺八取倍黃鐘九寸為律得  
其正也

漢蔡邕推五聲十二律還相為宮之法制有十二笛  
故黃鐘之笛正聲應黃鐘下徵應林鐘長二尺八寸  
四分四釐有奇正聲調法黃鐘為宮應鐘為變宮南  
呂為羽林鐘為徵蕤賓為變徵姑洗為角太簇為商  
然宮生徵黃鐘生林鐘徵生商林鐘生太簇商生羽  
太簇生南呂羽生角南呂生姑洗角生變宮姑洗生



應鐘變宮生變徵應鐘生蕤賓下徵調法林鐘為宮  
南呂為商應鐘為角黃鐘為變徵太簇為徵姑洗為  
羽蕤賓為變宮清角之調姑洗為宮蕤賓為商林鐘  
為角南呂為變徵應鐘為徵黃鐘為羽太簇為變宮  
大呂之笛正聲應大呂下徵應夷則長二尺六寸六  
分三釐有奇太簇之笛正聲應太簇下徵應南呂長  
二尺三分一釐有奇夾鐘之笛正聲應夾鐘下徵應  
無射長二尺四寸姑洗之笛正聲應姑洗下徵應應


鐘長二尺二寸三分三釐有奇蕤賓之笛正聲應蕤  
賓下徵應大呂長三尺九寸九分五釐有奇林鐘之  
笛正聲應林鐘下徵應太簇長三尺七寸九分七釐  
有奇夷則之笛正聲應夷則下徵應夾鐘長三尺六  
寸南呂之笛正聲應無射下徵應中呂長三尺二寸  
應鐘之笛正聲應應鐘下徵應蕤賓長三尺九寸九  
分六釐有奇其法可謂詳矣

管之論雖不一蔡邕十二管每管七聲為是清角調


以姑洗為宮則當以大呂為羽林鐘為變徵下徵調  
當以林鐘為宮大呂為變徵然則邕以下徵清角之  
調在黃鐘本律中取聲故階黃鐘代大呂亦未精於  
律也




小  
篳



大  
篳  
即  
中  
篳



今  
太  
常  
篳  
即  
古  
大  
篳



大簾尺有四中簾尺有三小簾尺有二圍三寸上一孔出寸三分曰翹吹口也上空以紙塞之下節外一孔前四後二共七有兼音正吹為大呂仰唇為夾鐘餘放此二距距上二孔穿繩

先儒曰一孔兼三音吹之之法全在口唇之俯仰吹氣之緩急唇仰則清一律唇俯則濁一律仰而急者則為本律之半聲如第一孔太簇也俯則兼大呂仰則兼夾鐘仰而急則為太簇之半聲二孔姑洗也仰

則兼仲呂仰而急則為姑洗之半聲三孔林鐘也仰  
則兼夷則仰而急則為林鐘之半聲四孔南呂也仰  
則兼無射仰而急則為南呂之半聲五孔應鐘也仰  
則兼乎黃鐘之半聲故用今之簫箎篳篥管欲全乎律  
呂者其妙處在兼音也然吹之甚難非精熟者不能  
箎吹孔如酸棗

匏


陳氏樂書曰匏之為物其性輕而浮其中虛而通笙

則乾之母象植物之生焉其卦則艮其方東北之維  
其時春冬之交其聲尚議其律大呂太簇其風融其  
音啾立春之氣也先王作樂以之為笙箏之屬焉記  
曰歌者在上乾竹在下國語曰乾竹制蓋乾竹相合  
而成聲得清濁之適故也




二十四簧巢笙

後十一簧  
前十三簧




詩曰笙磬同音


果笙  
十九簧後九  
簧前十簧



十七簧笙  
 後八簧  
 前九簧  
 即今太常所用笙也



笙  
十三簧  
一名和



周禮春官大司樂笙師掌教敎竽笙

敎音吹

古者造笙

以曲沃之匏汝陽之篠列管匏中而施簧管端合二十四聲以應律呂正倍之聲

太常笙濁聲十二中聲十二清聲十二俗呼為鳳笙  
孟蜀王所進樂工不能吹雖存而不用此者清濁正  
三倍聲皆得相應誠去四清聲吹之雖用之雅樂亦  
惡在其不可哉今巢笙之制第一管頭子應鐘清第  
二管二中音黃鐘正聲應中音子三第三管應鐘正

聲應頭子四管四管南呂正聲應第五子五中呂管  
無射正聲無應六大托管蕤賓濁聲托聲七十五管  
大呂正聲無應八大韻管姑洗濁聲有應第五子南  
呂清聲應第四管十中音子黃鐘清應中音十一托  
聲管蕤賓正聲應大托十二著聲管姑洗正聲應大  
韻十三仲呂管夾鐘正聲無應十四高聲管太簇正  
聲十五平調子林鐘清聲十六平調管林鐘正聲十  
七後韻太簇濁聲應商聲十八義聲管夷則正聲無

應十九托聲管仲呂正聲無應聲

宋太常笙濁聲十二中聲十二清聲十二

既十二倍十二正則正即子子即清矣又何用清聲  
子聲哉二十四管為古三十六者豈後世之繁聲多  
必用三十六乎


土

樂考陳氏樂書曰土則埏埴以成器而冲氣出焉其  
卦則坤其方則西南之維其時則秋夏之交其風則

涼其聲尚宮其音則濁立秋之氣也先王作樂用之  
以為頌之屬焉蓋頌麓之氣未嘗不相應詩曰伯氏  
吹塤仲氏吹篪又曰如頌如篪樂記以頌麓為德音  
之音周官笙師并掌而教之則其聲相應信矣



# 大壎



## 中壎



## 小壎



塤簾

書稱八音克諧則八音相合無乖戾而不和者古今  
乃獨稱塤簾至此之為兄弟者何也蓋七音各自為  
五聲如玉磬宮磬鳴而徵磬和獨塤簾則二器共為  
一事如塤為宮而簾之徵和塤為商而簾之羽和故  
曰伯氏吹塤仲氏吹簾伯宮也仲徵也世傳塤有大  
中小簾亦有大中小共為六知有其器而不知其用  
但云器有小大不同隨所造而異為一器也惟用其

一耳蓋大壎管黃鐘太簇大篴管大呂夾鐘中壎管  
姑洗蕤賓中篴管仲呂林鐘小壎管夷則無射小篴  
管南呂應鐘共為十二調此漢唐以來樂家未之及  
者但嘆其聲之難取耳予嘗見一舉業文字有云壎  
唱而篴和金春而玉應此語必有所本今太常壎乃  
古人壎也今太常止用黃鐘一調故不用中壎小壎  
周官之於壎教於小師播於瞽矇吹於笙師平底六  
孔水之數也中虛上銳如秤錘然火之形也壎六孔

上一前三後二古有雅頌如鴈子頌頌如雞子前下一穴為太簇上二穴右為姑洗啟下一穴為仲呂左雙為林鐘後二穴一啟為南呂雙啟為應鐘合聲為黃鐘


草

陳氏樂書曰草去故以為器而羣音首焉其卦則坎其方則北其時則冬其風廣莫其律黃鐘其聲一其音謹冬至之器也先王作樂用之以為鼓之屬焉蓋

鞀所以兆奏鼓者也二者以同聲相應故祀天神以  
雷鼓雷鼗祭地祇以靈鼓靈鼗享人鬼以路鼓路鼗  
樂記亦以鼗鼓合而為德音周官少師亦以鞀鼓并  
而鼓之也




鼗



鼗兩旁有耳持其柄而搖之則旁耳自擊節堂下之  
鼓四鼗四工若拊則節堂上之樂者也節鼓聲三搖  
之節衆樂每二字畢搖之




拊  
鼓



拊鼓草表糠裏木腔取其聲柔擊之以節堂上之鼓  
四拊四工若鼓則節堂下之樂者也

世傳拊鼓




節鼓聲三擊之節衆樂每二字畢二擊之凡樂二字為一節蓋宮倡而徵應商倡而羽應故二字為一節也孟子所謂金聲玉振古所謂金春玉應是也

陳氏樂書曰拊之為器韋表糠裏狀則類鼓聲則和柔倡而不和非徒鏗鏘而已書傳謂以韋為鼓白虎通謂草而糠是也

雷鼓

八面



或曰八面者鼓八面也面猶个

一腔八面面口一尺八寸七分五釐環連如梅花狀  
一架於四楹楹一鐵勾以勾鼓環鼓腔中施環以受  
楹勾楹上施蓋金浮圖以紅紵織以金花為飾蓋四  
角以龍首口啣五綵流蘇用八工持桴擊每宮三擊  
此惟降神之樂用之古謂楹鼓楹乃屋柱也後世不  
知乃以柱貫鼓心穿革擊之聲不揚乃為散鼓以助  
之非也楹以承屋有獨立者乎始衆音則擊鼓

鼗鼓每柄二面四柄八面兩旁有耳搖其柄則旁耳  
自擊用四工徑一尺衆音終則搖鼗


鼓腔朱紅漆蟠以金龍紋面用馬草錠以金釘楹亦  
朱紅上下亦蟠以金龍楹下承以伏獸紋如本形


欽定四庫全書

卷十



雷鼓






周禮雷鼓雷鼗降天神之樂鄭玄云八面明堂位曰  
夏后氏之鼓足蓋少昊冒草以為鼓夏后加四足焉




世傳雷鼓




靈鼓

六面


制如雷鼓



周禮靈鼓靈鼗降地祇之樂六面



世傳靈鼓







路鼓

四面

制如雷鼓




路  
鼗




周禮路鼓路鼗降人鬼之樂四面

世傳路鼓



鼓



鼗鼓與鑪鐘應者詩曰鼗鼓維鑪書曰鼗鼓在西序又曰下管鼗鼓長八尺面四尺中圍加三之一

鼓之制始於伊耆氏少昊氏夏后氏加四足謂之足鼓今之大鼓有架者是也四楹高出鼓上覆以蓋繚四角施流蘇後世以柱柱首承以雲掌鼓橫其上柱下承以座乃一足鼓也商人謂之楹鼓即足鼓也屋一間而四楹後世不知以柱貫鼓為楹鼓不鳴而助以散鼓非也或者一足之鼓誤之也周人懸而擊之

謂之懸鼓三鼓皆鼗鼓也

建鼓即鼗鼓所謂足鼓楹鼓懸鼓皆是也後世或以建鼓為又一鼓者誤矣

西北隅之鼓合應鐘黃鐘大呂之聲東北隅之鼓合蕤賓林鐘之聲太簇夾鐘姑洗之聲東北隅之鼓合蕤賓林鐘之聲西南隅之鼓合夷則南呂無射之聲依月均而考擊之於義或然議者非之疎矣且三代所尚之色夏后氏以黑商人以白周人以赤則鼓之色稱之亦可知


矣

建鼓植於四隅皆有左鞞右應乾隅左鞞應鐘亥之位也中鼓黃鐘子之位也右應大呂丑之位也艮隅左鞞太簇寅之位也中鼓夾鐘卯之位也右應姑洗辰之位也巽隅右應仲呂巳之位也中鼓蕤賓午之位也左鞞林鐘未之位也坤隅右應夷則申之位也中鼓南呂酉之位也左鞞無射戌之位也宜隨月建依律呂之均擊之

木

陳氏樂書曰木者所以合止樂之器其卦則巽其方東南之維其時春夏之交其風清明其律夾鍾其聲一其音直立夏之氣也先王作樂斷之以為故祝之屬焉樂記曰作為柷敔德音之音祝敔以柷敔為用柷敔以祝敔為體二者之聲一合一止未嘗不相待也






欽定四庫全書

苑  
詠  
卷十

三十一



祝如漆桶方二尺四寸深一尺八寸中有椎柄連底  
旁開孔內手於中擊之以舉樂敵狀如伏虎背上有  
二十七齟齬碎竹以擊其首而逆戛之以止樂

祝之中東方圖以青隱而為青龍南方圖以赤隱而  
為丹鳳西方圖以白隱而為騶虞北方圖以黑隱而  
為靈龜中央圖以黃隱而為神螭

中有椎柄連底撞之令左右擊

櫟之長尺曰簫唐制用竹以二尺四寸折為十二莖

樂將終先擊其首次三戛齟齬而止

竹 陳氏樂書曰上古聖人本陰陽別風聲審清濁鑄金作鐘主十二月之聲效升降之氣立和適之音然鐘難分別又截竹為管謂之律者聲之清濁率法以長短為制故也黃帝以聽為之遠取諸物也夏禹以聲為之近取諸身也又曰先王之制管所以道達陰陽之聲然陽奇而孤陰隅而羣陽大而寡陰小而衆陽顯而明陰幽而晦孤竹之管與圜鐘之宮合以之降

天神取其奇而孤也絲竹之管與函鍾之宮合以之  
出地亦取其小而衆也陰竹之管與黃鍾之宮合以  
之禮人鬼取其幽而晦也易曰方以類聚物以羣分  
於斯見矣又曰樂以木為末竹為本古者以候氣律  
管截而吹之濁倍其聲為堂下之樂頭管所以和衆  
樂之聲以其探本故也律呂之音十二樂器之音  
惟六各倍其六則亦有十二矣如太簇可以兼大呂  
姑洗可以兼夾鍾亦可以兼仲呂林鍾可以兼蕤賓

南呂可以兼夷則應鐘可以兼無射陽方律兼呂陰  
方呂兼律蓋取其分數之相近自然有可兼之音以  
笛簫論之第一孔為黃鐘宮第二孔為太簇商第三  
孔為姑洗角第四孔為林鐘徵第五孔為南呂羽第  
六孔為應鐘變宮其兼音之法全在吹氣之緩急口  
唇之俯仰吹正唇正則得本音吹緩唇俯則兼濁吹  
急唇仰則兼清善吹者一孔取三音善聽者一孔知  
三音知一孔取三音之理則用今之樂器可以具律

呂之全聲惟在習之精通乃有得焉

周官笙師掌教吹箛簫篴篳管五者皆出於笙師所教無非竹音之雅樂也

樂考曰今太常笛從下而上二穴太簇半竅為大呂次上一穴為姑洗半竅為夾鐘次上一穴為仲呂次上一穴為林鐘半穴為蕤賓次上一穴為南呂半竅為夷則變聲為應鐘謂用黃鐘清與仲呂雙發為變聲半竅為無射後一穴為黃鐘清中管起應為首為

宮次上穴大呂為商又次上穴夾鐘為角又次上穴仲呂為變徵又次上穴蕤賓為正徵又次上穴夷則為羽變宮為無射謂後穴與第三穴雙發是也如此即不用半竅謂之十二律用兩笛成曲也今按習所且以太常半竅法起間聲亦叶律施用風俗通曰笛滌也所以滌邪穢納之雅正也長尺四寸七孔樂書曰笛之滌也可以滌蕩邪氣出揚正聲七孔下調漢部用之蓋古之造笛剪雲夢之霜筠法龍吟之異韻



所以滌蕩邪氣出揚正聲者也其制可謂詳矣昔人有吹笛而歌曰閑夜寂以清長笛亮且鳴則長笛六孔且黃鐘一均如尺八而長晉桓子野之所善馬融之所頌伏滔之所賦王子猷之所聞相如之所善蔡邕之所制也魏明帝時令和永受笛聲以作律歌聲濁者用長笛長律歌聲清者用短笛短律古歌詞曰長笛續短笛晉劉和善吹裁音十二以應律劉和之東箱長笛四尺二寸今樂府所用短笛尺其咫此笛長

短之辨也樂考曰笛之為樂所以滌蕩邪心歸之雅  
正者也後世雅笛之制非竅而為五以合五聲必竅  
而為六以叶六律傳緯有六孔之說豈雅笛與古者  
論笛之良不過衡陽之簫也故師曠得其雄宋意得  
其鷗馬蓋無異於伶倫斷嶰谷雌雄之竹以為律呂  
也由是觀之舜之簫韶九成鳳凰至於來儀庸詎知  
非其雌雄之竹耶 手笛六孔如雅笛而小和峴論  
大樂小笛之制如雅笛而小其長九寸與黃鐘律管

等矣其孔有六與羗笛同矣昔宗同善吹以為新引  
唐雲朝霞善吹以為新聲孫處善吹而作犯調李牟  
善奏而風至皆一時妙手也 堅笛 堅笛之制六  
孔具黃鐘一宮聲應十二律之調陞之雅樂可也後  
世宮縣用之不亦可乎晉時黃鐘笛三尺八寸奚縱  
又減三尺六寸五分豈非於此歟

十二箱笛陳氏樂書曰十二箱笛之制其長短之度  
增損有所不同故晉荀勗作律笛十二以正雅樂黃

鐘箱笛三尺八寸元嘉中鐘宗之減為三尺四寸二分奚縱又減五分為三尺三寸七分縱又減一寸一分為三尺二寸六分姑洗箱笛三尺五寸宗之減為二尺九寸七分縱又減五分為二尺九寸二分蕤賓箱笛二尺九寸宗之減為二尺六寸縱又減二分為二尺五寸八分自餘律笛無所損益一仍蔡邕之制而已至梁武帝又制十二笛寫四通聲飮古鐘玉律并周世古鐘焉故黃鐘笛三尺八寸大呂三尺六寸

太簇三尺四寸夾鐘三尺二寸姑洗三尺一寸中呂  
二尺九寸蕤賓二尺八寸林鐘三尺二寸夷則一尺  
六寸南呂三尺五寸無射二尺四寸應鐘二尺三寸  
然黃鐘之元九合天地之氣故其笛十有八調上生  
者悉倍其音下生者傳差一調半上生悉五指應飲  
下生者悉三指應飲下生中呂雖云不復生至於數  
窮復本又得工生黃鐘天地自然之數也黃鐘十八  
調下生林鐘七調黃鐘笛三指聲應林鐘笛飲聲林

鍾子調上生太簇十四調林鐘笛五指聲應太簇笛  
飲聲太簇十四調下生南呂五調半太簇笛三指聲  
應南呂笛飲聲南呂五調半上生姑洗十一調南呂  
笛五指聲應姑洗笛飲聲姑洗十一調下生應鐘四  
調姑洗三指聲應應鐘笛飲聲應鐘四調上生蕤賓  
八調應鐘笛五指聲應蕤賓笛飲聲蕤賓八調上生  
大呂十六調蕤賓笛五指聲應大呂笛飲聲大呂十  
六調下生夷則六調大呂笛三指聲應夷則笛飲聲

夷則六調上生夾鐘十二調夷則笛五指聲應夾鐘  
笛飲聲夾鐘十二調下生無射四調半夾鐘笛三指  
聲應無射笛飲聲無射四調半上生中呂九調無射  
五指聲應中呂笛飲聲雖當時號為雅樂考之先王  
之制其不及遠矣

通曲世本云箎暴辛公所造爾雅曰大箎謂之沂箎  
以竹為之長尺四寸圍三寸一孔上出寸三分名曰  
翹橫吹之小者尺二寸蔡邕月令章句箎竹也六孔

有距橫吹之詩云仲氏吹簫陳氏樂書曰簫之為器  
有底之笛也暴辛公善之非其所作者也大者尺有  
四寸陰數也其圓三寸陽數也小者尺有二寸其則  
全於陰數要皆有翹以通氣一孔達寸有二分而橫  
吹之或容覆或潛伏簫為不齊者也爾雅大壎謂之  
韶韶則六孔交鳴而喧嘩沂則一孔而其聲清辨或  
曰簫之為言啼也或曰沂之為言悲也豈其聲自空  
而出若嬰兒之悲啼然耶周官笙師教吹壎簫詩曰



伯氏吹塤仲氏吹篴又曰天之牖民如塤如篴是塤  
篴異器而同樂伯仲異體而同氣故詩人取以況焉  
世本以篴為管沈約非之當矣先儒言篴有六孔七  
孔八孔十孔之說以中聲論之六孔六律之正聲也  
八孔八音之正聲也十孔五聲正倍之聲也蓋其大  
小異制然耶篴吹孔如酸棗宋朝篴六孔而橫吹下  
一穴在底節外次四穴在前一穴在後又一法節外  
一為太簇半穴為大吕次上一穴為姑洗半穴為夾

鐘又次上一穴為蕤賓半竅為仲呂又次上一穴為  
林鐘又次上一穴為南呂半竅為夷則七竅全開為  
應鐘半竅為無射黃鐘大呂太簇夾鐘哨吹各有清  
聲劉熙釋名曰簾啼也聲自孔出如嬰兒啼聲也廣  
雅曰簾以竹為之長尺四寸有六孔前一後四頭一  
月令仲夏之月調簾善調之使和故也洞冥記所謂  
吹霜條之簾亦豈過是東觀漢記明帝幸南陽舊宅  
作雅樂奏鹿鳴用塤簾和之以娛嘉賓信乎一時之

和樂陳氏樂書曰禮言吹簫掌之笙師詩言吹簫主  
之仲氏則簫亦笙類而仲氏以況中聲中焉先王之  
雅樂也故後世推善吹者前有伍子胥後有朝雲而  
已洛陽伽藍記述後魏河間王琛有朝雲者善吹簫  
能為團扇歌壠上聲及琛為秦州刺史屢討叛羗不  
勝因令朝雲吹之羗人聞者皆感泣而降故秦語曰  
快馬健兒不如老嫗吹簫信乎樂之感人如此苟以  
之移風易俗天下胡為而不寧哉古史考曰古有簫

尚矣蘇成公善箎而記者因以為作誤也或謂暴辛  
公所造亦無據矣舊制以箎為管是不知箎春分之  
音而管十二月之音也 容覆 中也長孔  
在中外 潜伏 短孔  
在中  
底

匏 周官笙師掌教吹簫簫箎篴管五者皆出於笙師  
所教無非竹音之雅樂也今太常之所謂單簫即  
古之簫也所謂排簫即古之箏簫笑簫也篴即橫  
笛也管即律呂管也鄭璞謂大者長尺四寸二十四

管無底而善應故謂之管小者尺二寸十二管有底而交鳴故謂之筊蓋應十二律正倍之聲也蓋簫者陰氣之管坤以二四為六而地數至十而止故大者二十四管小者十二管取陰氣自然之數其吹之之法惟排簫易吹一管一音無事假借而簫篴笛管皆一孔兼三音其吹之極難分曉全在口唇之俯仰吹氣之緩急唇仰則清一律唇俯則濁一律仰而急者則為本律之半聲如第一孔太簇也俯則兼大呂仰

則兼夾鐘仰而急則為太簇之半聲二孔姑洗也仰  
則兼仲呂仰而急則為姑洗之半聲三孔林鐘也仰  
則兼夷則仰而急則為林鐘之半聲四孔南呂也仰  
則兼無射仰而急則為南呂之半聲五孔應鐘也仰  
則兼乎黃鐘之半聲故用今之簫篴遂管欲全乎律  
呂者其妙處在兼音也然吹之甚難非精熟者不能  
凡孔止六蓋徵可以兼變徵

爾雅曰笙十九簧曰巢十三簧曰和漢章帝時零陵

文學奚景於舜祠得笙白玉管後代易之以竹耳釋  
名曰笙生也象物貫地而生竹母曰匏以匏為之故  
曰匏陳氏樂書曰萬物盈乎天地間入乎坎則草而  
趨新故其音草而為鼓成乎艮則始作而施生故其  
音匏而為笙古者造笙以曲沃之匏汝陽之篠列管  
匏中而施簧管端則美在其中鐘而為宮蓋所以道  
達冲氣律中太簇立春之音也故有長短之制焉有  
六合之和焉故五經析疑曰笙者法萬物始生道達

陰陽之氣故有長短黃鐘為始法象鳳凰蓋笙為樂器其形鳳翼其聲鳳鳴其長四尺大者十九簧謂之巢以衆管在匏有鳳巢之象也小者十三管謂之和以大者倡則小者和也儀禮有之三笙一和而成聲是也大射儀樂人宿縣于阼階東笙磬西面其南笙鐘蓋笙艮音也於方為陽鐘兌音也於方為陰周官笙師掌教吹笙共其鐘笙之樂以教祗夏書曰笙鏞以間是鼓應笙之鐘而笙亦應之也眡瞭掌笙磬詩



曰笙磬同音則磬乾音也與笙同為陽聲是擊應笙之磬而笙亦應之也笙磬則異器而同音笙鐘則異音而同樂儀禮有衆笙之名而蕩在建鼓之間蓋衆笙所以備和奏洽百禮豈特應鐘磬而已哉鹿鳴所謂鼓瑟吹笙吹笙鼓簧應琴瑟之笙也賓之初筵曰籥舞笙鼓應鼓之笙也檀弓孔子十日而成笙歌儀禮歌魚麗笙由庚笙之類應歌之笙然則笙之為用豈不備哉此帝舜用之所以鳳儀子晉吹之所以鳳

鳴也記曰女媧之笙簧世本曰隨作笙簧庸詎知隨  
非女媧之臣乎黃帝制律以伶倫造鐘以營援則女  
媧作笙等以隨不足疑矣宋朝李照作巢笙合二十  
四聲以應律呂正倍之聲作和笙應笙等合清濁之  
聲又自制大笙上之太樂亦可謂之復古制矣和笙  
鳳笙陳氏樂書曰傳曰大笙音聲衆而高也小者音  
相和也斯不然笙大小之辨乎說文曰笙正月之音十  
三簧象鳳身蓋其簧十二以應十二律也其一以象

閨也宋朝登歌用和笙取其大者唱則小者和非阮  
逸所謂其聲清和也用十三簧非阮逸所謂十九簧  
也巢和若均用十九簧何以辨大小之器哉阮逸謂  
等笙起第四管為黃鐘巢笙起中音管為黃鐘和簧  
起平調為黃鐘各十九簧皆有四清聲三濁聲十二  
正聲以編鐘四清聲參驗則和聲平調子是黃鐘清  
也等笙第五子是太簇清也中呂管是大呂清也中  
音子是夾鐘清也既已謂之等矣謂之笙矣安得合

而一之為筭耶儀禮所謂三筭一和者不過四人  
相為倡和爾孰謂筭和類耶

闕

大筭小筭筭亦筭也今之筭筭以木代  
匏而漆殊愈於匏荆梁之南尚仍古制陳氏樂書曰  
昔女媧氏使隨裁匏竹以為筭其形參差以象鳥翼  
火類也火數二其成數則七馬冬至吹黃鐘之律而  
間音以筭冬則水王而筭以之則水器也水數一其  
成數以六馬因六而六之則三十六者筭之筭數也

因七而六之則四十二寸者竽之長數也月令仲夏  
調笙竽淮南子謂孟夏吹笙竽蓋不知此周官笙師  
掌教吹竽笙則竽亦笙類也以笙師教之雖異器同  
音皆立春之氣也樂記曰聖人作為鼗鼓柷敔篴  
然後為之鐘磬竽瑟以和之是樂之倡始者在鼗鼓  
柷敔篴其所謂鐘磬竽瑟也特其和終者而已韓  
非子曰竽者五聲之長竽先則鐘瑟皆隨竽倡則諸  
音皆和豈聖人制作之意哉說文曰竽管三十六簧

象笙以等宮管在中故也後世所存多二十三管具  
二均聲焉

簧 樂書曰月令中央土律中黃鍾之宮則樂之有  
簧以宮管在中也莫非簧也有笙之簧有非笙中之  
簧鹿鳴曰吹笙鼓簧莊子言簧鼓笙中之簧也君子  
陽陽左執簧巧言曰巧言如簧非笙中之簧也傳稱  
王遙有五舌竹簧今民間有鐵葉之簧豈非簧之變

體歟

十七管等宋朝大樂諸工以等巢和併為一器率取胡部十七管笙為之所異者特以宮管移之左右而不中爾雖名為雅樂胡音也或二十三管或十九管二十三管則兼乎四清二變十九管則兼乎十二律七音要皆非古制也李照雖更制大等然不能革舊器而兼用之亦未為深知樂也

三禮圖有雅簧上下各六聲韻諧律亦一時之制也樂考曰近代等笙十九管蓋後人象等倍聲因以名

之然竽笙異器而同和故周官竽與笙均掌之以笙師焉既謂之竽矣安得又謂之笙乎古人之制必不然矣世人或謂大笙謂之簧是不知笙中有簧而簧非笙也

土以埴為德音見於禮如埴如簾見於詩則埴之為器立秋之音也平底六孔水之數也中虛上銳如秤錘然火之形也埴以水火相合而後成器亦以水火相和而後成聲故大者聲合黃鐘大呂小者聲合太簇



夾鐘要在中聲之和而已風俗通謂圍五寸半長一寸半有四孔其通凡六空也蓋取諸此爾雅大壎謂之𦉰以其六孔交鳴而喧嘩故也譙周曰幽王之時暴辛公善壎世本曰暴公作壎蓋壎之作其來尚矣謂暴公善壎可也謂之作壎臣未敢信矣壎又作壎者金方而土圓水平而火銳一從熏火也其色為黑則水而已從圓則土之形圓故也或謂壎青之氣陽氣始起萬物暄動據水土而萌始於十一月成於立

春象萬物萌出於土中是主土王四季所言非主正位六月而言亦一說也塤六孔上一前三後二王子年拾遺記曰春皇庖羲氏灼土為塤禮樂於是興矣古有雅塤如鴈子頌塤如雞子其聲高濁合乎雅頌故也今太常舊器無頌塤至皇祐中聖制頌塤調習聲韻並合鐘律

頌塤雅塤對而吹之尤協律清和可謂善矣誠去二變而合六律庶乎先王之樂也

草其用則先歌周禮所謂登歌令奏擊拊是也荀卿曰  
架一鐘而尚拊大戴禮曰架一磬而尚拊則拊設於  
一鐘一磬之東其衆器之父歟荀卿曰鼓其樂之君  
邪然鼓無當於五聲五聲弗得不和其衆聲之君歟  
樂記曰會守拊鼓堂上之樂衆矣所待以作者在拊  
堂下之樂衆矣所待以作者在鼓蓋堂上則門內之  
治以拊為之父堂下則門外之治以鼓為之君

陳氏樂書曰明堂位曰殷楹鼓以周官考之太僕建

路鼓於大寢之門外儀禮大射建鼓在阼階西南鼓則其所建楹也是楹為一楹而四稜也貫鼓於端猶四植之桓圭也莊子曰負建鼓建鼓可負則以楹貫而置之矣商頌曰置我鞀鼓是也魏晉以後復商制而植之亦謂之建鼓隋唐又棲翔鷺於其上國朝因之其制高六尺六寸中植以柱設重斗方蓋蒙以珠網張以絳紫繡羅四角有六龍竿皆銜流蘇辟璫以五綵羽為飾竿首亦為翔鷺旁又挾鞀應二小鼓而

左右然詩言應田縣鼓則周制應田在縣鼓之側不在建鼓旁矣

陳氏樂書曰又曰禮曰懸鼓在西應鼓在東詩曰應  
陳縣鼓則縣鼓周人所造之器始作樂而合乎祖者  
也以應鼓為和終之樂則縣鼓其倡始之鼓歟蓋宮  
縣設之四隅軒縣設之三隅判縣設之東西

宋仁宗明道時改制大樂直史館宋祁上言縣設建  
鼓初不考擊又無三鼓且舊用諸鼓率多陋敝於是

勅元等詳求典故而言曰建鼓四今皆具而不擊別  
設四散鼓於縣間擊之以代建鼓乾德四年秘書監  
尹拙上言散鼓不詳所置之由且於古無文去之便  
時雖奏可而散鼓于今仍在又雷鼓靈鼓雖擊之皆  
不成聲故常賴散鼓以為樂節而雷鼓靈鼓路鼗鼓  
闕而未製今既修正雅樂謂宜申飭大匠改作諸鼓  
使擊考有聲及創為三鼗如鼓之制使先播之以通  
三鼓罷四散鼓如乾德詔書奏可時有上言以為雷

八面前世用以迎神不載考擊之法而太樂所製以柱貫中故擊之無聲更令改造山趺上出雲以承鼓刻龍以飾柱面各一工擊鼓一工左執鼓以先引凡園丘降神六變初八面皆三擊椎而左旋三步則止三者取陽數也又載擊以為節率以此法至六成靈鼓路鼓亦如之

元豐三年詔議樂禮部侍郎范鎮上言太常無靈鼓靈鼓路鼓而以散鼓代之開元中有以畫鼓獻者一

鼓而八面六面四面明皇用之國朝郊廟或考或不  
考官架中惟以散鼓代之不應經義安得為樂哉不  
報樂書曰雷天聲也靈地德也路人道也天神之樂  
六變而雷鼓雷鼗六面地亦之樂八變而靈鼓靈鼗鼓  
八面人鬼之樂九變而路鼓路鼗四面者金之為物  
能化不能變鬼亦如之金非土不生以上之五加金  
之四此其樂所以九變歟

景祐中太宗詔太常凡祀天神祭地祇享宗廟官架



每奏降神四曲送神一曲先播鼗吹鳴祝次擊散鼓  
凡三擊而樂作散鼓隨樂每間一字二擊之以為樂  
節凡樂終即播鼗戛散散鼓相間三擊而止然以散  
鼓代雷靈路用之至於陞降等樂復不用鼗鼓臣恐  
未合先王雅樂也且舊制三鼓皆以木交午相貫以  
兩端為面故不能聲又竿首為木鳳馬聖朝詔為雷  
鼓八角冒竿為一面承以槃軼轉以金樞髹朱繪雲  
冠柱以陞龍作雷車之象靈鼓六路鼓四飾亦如之

其所異者竿首作翔鷺趺作猛獸而已其為建鼓一也隋制路作鷺豈以竿首有翔鷺而遂誤之邪臣嘗論古者立鼗鼓之制祭祀則先播鼗以兆奏三鼓饗燕則先擊朔鼗以兆奏建鼓蓋未嘗並用也後世祀天神祭地祇享人鬼並設建鼓鞀應於四隅又設雷鼓靈鼓於架內道之左右晉鼓於架內道之中間非先王異祭享別同異之意也

陳氏樂書曰鼓以節之鼗以兆之作樂之道也兆於

北方則冬所以兆生物也八音兆於革音則鞀所以  
奏鼓也月令修鞀鞀世紀帝嚳命垂作鞀鞀釋名曰  
鞀鞀也鞀助鼓節也盖大者謂之鞀爾雅謂之麻以  
其音概而長也小者謂之鞀爾雅謂之料以其音清  
而不亂也盖鼓則擊而不播鼗則播而不擊雷鼓雷  
鼗六面而工十有二以二人各直一面左播鼗右擊  
鼓故也靈鼓靈鼗八面而工十有六路鼓路鼗四面  
而工八人亦若是歟商頌言置我鞀鼓則鞀與鼓同

植非有播擊之異與周制差殊矣鬻子曰禹之治天下也縣五聲以聽曰語寡人以獄訟者揮鞀呂氏春秋曰武王有誠謹之鞀由是觀之欲誠者必播鞀鼓矣蓋鞀兆奏鼓者也作堂下之樂必先鼗鼓者豈非樂記所謂先鼓以警誠之意歟漢以大鞀施於大儺亦一時制也後世無聞焉

樂書曰鼓之小者謂之應大者謂之鼗

朔鼓棟鼓周官小師凡小樂事鼓棟儀禮大射一建

鼓在其南。輦鼓。朔。鐸。在北。有簠。詩曰。應田。縣鼓。先儒以田為輦。則朔。鐸。皆小鼓也。以其引鼓。故曰輦。以其始鼓。故曰朔。後世樂府有左。鐸。右。應。之鼓。設而不擊。用四散鼓。在縣四隅。掌以為節。不合儀禮之制。革正之可也。輦亦在縣。亦名鐸。

### 應鼓

陳氏樂書曰。禮器曰縣鼓。在西。應鼓在東。詩曰。應田。縣鼓。爾雅曰。小鼓謂之應。蓋堂下之樂。以管為本器。

之无小者也應之為鼓鼙之无小者也周官小師大  
祭祀下管擊應鼓徹歌大享亦如之是作樂及其小  
者乃所以為備也大師大祭祀擊拊鼓鞀亦此意歟  
今夫祀天神以雷鼓雷鼗祭地祇以靈鼓靈鼗享人  
鬼以路鼓路鼗而又擊應鼓鞀者當堂上擊拊之時  
則堂下擊應鼓鞀以應之然後播鼗而鼓矣應施於  
擊拊又施於歌徹其樂之終始歟

木祝敔不知誰所造樂記曰聖人作為柷敔

宋仁宗明道時禮官言祝舊以方畫木為之外圓以時卉則可矣而中設一色非稱也先儒之說曰有柄連底桐之鄭康成以為投椎其中撞之今當創法垂久用明制作之意有所本焉

陳氏樂書曰周官小師掌教播鼗祝敔周頌有瞽亦曰鼗磬祝敔蓋堂下樂器以竹為本以木為末則管籥本也祝敔末也祝之為器方二尺四寸深一尺八寸中有椎柄連撞之令左右擊也陰始於二四終於

八十陰數四八而以陽一主之所以作樂則於衆樂  
先之而已非能成之也有凡之道焉此祝所以居宮  
縣之東象春物之成始也故之為器狀類伏虎西方  
之陰物也背有二十七齟齬三九之數也櫟之長尺  
曰籟十之數也陽成三變於九而以陰十勝之所以  
止樂則能以反為用特不至於流而失已亦有足禁  
過者焉此故所以居宮縣之西象秋物之成終也書  
曰戛擊禮曰楷擊樂記曰聖人作為柷敔荀卿曰鞀



祝拊控揭似萬物蓋祝敔以控揭為體控揭以戛拊  
擊為用也爾雅曰所以鼓敔謂之止所以鼓祝謂之  
蕤則祝以合樂而作之必鼓之欲其止者戒之於蚤  
也故以節樂而止之必鼓之欲其蕤者潔之於後也  
然樂之出虛故其作樂虛控必用空琴必用桐拊必  
用糠皆以虛為本也及其止則歸於實焉此敔所以  
為伏虎形歟然樂之張陳戛擊必於堂上祝敔必於  
堂下何耶曰祝敔器也戛擊所以作器也器則卑而

在下作器者尊而在上是作樂也在下所以作之者  
在上在上命物者也在下受命者也豈非貴賤之等  
然邪今夫堂上之樂象廟朝之治堂下之樂象萬物  
之治荀卿以拊祝控楬皆為似萬物則是以堂上之拊  
亦似之誤矣祝敵控楬皆一物而異名荀卿以祝敵  
離而二之亦誤矣桓譚新論謂控楬不如流鄭之樂  
真有意哉宋朝太樂祝為方色以圖瑞物東龍西虎  
南鳳北龜而底為神螭故因唐制用竹以二尺四寸

析為十二莖樂將終先擊其首次三戛齟齬而止與  
祝四面畫山卉用木櫟齟齬者異矣雖曰因時制宜  
要之非有意義孰若復古制之為愈哉先儒以祝為  
立夏之音又謂乾主立冬陰陽終始故聖人承天以  
制祝敵一何踈邪晉宋故事四箱各有祝敵同時戛  
作亦非古人之制也隋牛弘罷之不亦宜乎

通論樂考曰律呂之音十二樂器之音惟六各倍其六  
則亦有十二矣如太簇可以兼大呂姑洗可以兼夾

鐘亦可以兼仲呂林鐘可以兼蕤賓南呂可以兼夷則應鐘可以兼無射陽方律兼呂陰方呂兼律蓋取其分數之相近自然有可兼之音以簫笛篪論之第一孔為黃鐘宮第二孔為太簇商第三孔為姑洗角第四孔為林鐘徵第五孔為南呂羽第六孔為應鐘變宮故其次之也閉五孔開第一孔則宮音出焉今謂之合是矣閉四孔開第二孔則商音出焉今謂之四是矣閉三開三則角音出焉今謂之一是矣閉二

開四則徵音出焉今謂之尺是矣閉上一開下五則  
羽音出焉今謂之工是矣閉下五孔獨開上一孔則  
變宮之音出焉今謂之六是矣六本應鐘之音今作  
清黃鐘用之蓋黃鐘半律四寸五分應鐘今律四寸  
六分有零亦以分數相近之易兼也其兼音之法全  
在吹氣之緩急口唇之俯仰吹正唇正則得本音吹  
緩唇俯則兼濁吹急唇仰則兼清善吹者一孔取三  
音善聽者一孔知三音知一孔取三音之理則用今

之樂器可以具律呂之全聲惟在習之精通乃有得焉其於頤也五孔皆閉自上吹之為黃鐘宮少仰則兼乎大呂也開前中孔為太簇商少仰則兼乎夾鐘也並左孔為姑洗角少仰則兼乎仲呂也並右孔為林鐘徵少俯則兼乎蕤賓也並後左則為南呂羽少俯則兼乎夷則也並後右則為應鐘變宮少俯則兼乎無射也其於琴也對中暉彈之按第一絃黃鐘上二寸則大呂按第二絃太簇上二寸則夾鐘按第三

絃姑洗上寸半則仲呂用濁氣清則進上近岳按第  
四絃林鐘下二寸則蕤賓按第五絃南呂下半寸則  
夷則按第六絃應鐘下一寸則無射用清氣濁則退  
下近焦其於瑟也於二十五絃取中一絃為君不動  
以前十二絃為律呂正聲以後十二絃為律呂清聲  
彈之之法合正與清而音成焉黃鐘成於前後之一  
大呂成於前後之二太簇成於前後之三夾鐘成於  
前後之四姑洗成於前後之五仲呂成於前後之六

瑟賓成於前後之七林鍾成於前後之八夷則成於  
前後之九南呂成於前後之十無射成於前後之十  
一應鍾成於前後之十二琴之取音也以暉瑟之定  
音也以馬近岳以漸清馬近焦以漸濁馬其和之之  
法也琴絃急則音在暉下琴絃緩則音在暉上瑟絃  
急則安馬必近於焦瑟絃緩則安馬必近於岳其於  
笙也管首入匏有內孔以銅蠟點處為簧簧之大者  
其聲濁小者其聲清清濁多寡由簧之大小亦取於




管之短長凡簧各有外孔以手按其外孔則內簧之聲鳴焉吹簫笛之法開其孔則鳴吹笙之法按其孔則鳴故曰吹笙鼓簧按者鼓也如鼓由擊然後有聲蓋簫笛之聲由外發笙簧之聲由內轉今笙十七管按第十二第十四之管孔而成黃鐘宮聲按第四第八第十一之管孔而成太簇商聲按第三第十之管孔而成姑洗角聲按第十五第四第十二第八之管孔而成林鐘徵聲按第七第三第十一之管孔而成

南呂羽聲按第十四第十三之管孔而成黃鐘清聲  
按第二第十三之管孔而成仲呂聲大抵兼數管  
而成一律之音者一清一濁也濁者全律清者半律  
如合音有大合小合第十四管為大合第十二管為  
小合四音為大四小四第四管為大四管八管為小  
四第十一管為小清四一音有大一小一第三管為  
大一第十管為小一尺音有大尺小尺第十五管為  
大尺第十二管為清尺又借大四小四二管湊之共

成尺音工音有大工小工第七管為大工管一管清  
工又借大一湊之共成工音六音有大六小六第十  
四管為大六第十管為小六上音有大工小工第二  
管為大工第十三管為小上其餘大呂夾鐘蕤賓夷  
則無射應鐘則未用焉由此推之若制大笙二十四  
管每二管共成一音則六律六呂之全聲半聲備焉  
一清一濁一東一西相對匹配而成音其制甚簡其  
吹亦易孰謂古笙之難制而半聲之難備於笙也哉

今太常譜亦然



苑洛志樂卷十